

安

邱

縣

志

下

安邱縣志卷之十二

邑人馬文燁撰

歷代地理沿革表第一

太史公曰殷以前諸侯不可譜周以來孔子因史文次春秋蓋  
 詳哉禹貢青州濰淄其道今濰出安丘東境不知于時為何國  
 酈道元曰淳于縣故夏后氏之斟灌國也周武王滅之以封淳  
 于公後為杞人所有詳見古蹟考按斟灌當作斟尋左傳寒浞使澆用師滅  
 斟灌及斟尋氏杜預曰斟尋在平壽縣東南今安丘東北境是  
 也平壽漢縣名在今濰縣域中若斟灌則在壽光又寰宇記曰安丘古根牟國非也根  
 牟屬萊夷故春秋書齊人伐萊取根牟非安丘明矣或又以為

牟婁按牟婁雖祀邑實在濰水之南非縣境也經見水左傳魯成

公八年晉使申公巫臣如吳假道于莒與渠丘公立于池上明

年楚子重伐莒圍渠丘蓋安丘舊名也楚大夫申無宇曰

齊有渠丘實殺無知蓋謂渠丘為齊大夫雍廩之邑故馴致無

知之禍事在莊公九年然渠丘莒邑而曰齊者豈小白未入之前齊人

奪莒而有之既入或得莒而歸之邪傳不可考雍廩一作雍林

邑城名也賈逵杜預以為齊大夫名按齊世家載無知之事曰

無知游于雍林曰雍林人怨無知疑當時已有讀雍林為齊大

夫之名者故世家表著不一正以釋左氏無知虐于雍廩為雍

林不為齊大夫名也又西南一帶屬紀郟邑齊人所遷者也至

七國時邑隸田齊史記載晉列公十二年韓景子趙列侯翟員  
伐齊長城威王患之長城在今治西南境上緣山築塞蓋齊之  
邊邑秦始皇二十七年分天下為郡縣以青州為齊郡瑯琊郡  
則安丘得名或從此始與漢興初襲秦舊武帝復古建天下為  
十三州州領郡國郡國領縣而安丘領在北海郡王莽偽立改  
名誅郅光武復漢仍號安丘曹魏因之晉太康中屬東莞郡至  
元康十年改屬平昌郡懷帝末沒于石勒劉宋復之後為元魏  
所并皆屬平昌北齊天保七年省入昌安後周隸齊郡隋開皇  
十六年分昌安于牟山後別置牟山縣大業二年復牟山為安  
丘唐貞觀初分青州屬河南道置高密等五郡安丘為高密郡



四縣之一武德三年乃徙縣于今所六年又省郟城入焉境益  
拓大乾元二年因事易安丘曰輔唐而史不著其繇或曰天寶  
中道士王旻請于高密郡牟山合鍊玄宗許之因改牟山為輔  
唐山或旻食邑于安丘故改是名與然此玄宗事與乾元無異  
又是食邑事無所攷未可據也按乾元元年安慶緒將罷元皓  
以淄青降或此時改焉而史失之耳五代梁開平間復為安丘  
後唐仍號輔唐石晉天福七年省為膠西縣宋開寶四年更置  
安丘隸密州金人因之總隸山東東路元隸益都路我朝開  
國分天下為十三中書行省洪武九年改為布政使司置青州  
府安丘縣屬焉總隸山東此沿革之大畧也於戲古昔以來境

土慶分地理參差一郡一縣割成四五四五之中復有離合天  
 牙錯繡未足比擬兼之往牒不全或多抵牾特欲其精悉難矣今  
 政者于篇大抵以漸而有而大焉

隸

唐虞 青州

夏 斟尋國

周 淳于國 在縣東注後為杞人所

春秋 莒

郟國 縣邑

渠丘 今即臺即渠丘公立設之  
 處後漢書及杜預並以四  
 安為安丘非也

郟 後為齊所遷

戰國

齊

秦

漢

東漢

瑯琊郡 始皇二十八年置

北海郡 景帝中二年置別有梧威疑即郿城見古

瑯琊郡 秦置又別安丘非今安丘顏監云蓋各以

增考

安丘 莽改曰誅郿

淳于 今縣祀城是

朱虛 臨胸安丘之交今縣有朱虛里

平昌 今縣南境是

昌安 今縣東二十里故城是

高密國 故齊文帝十六年別置膠西國宣帝本始元年更為高密國

北海國 景帝置建武十三年省高密國以其縣屬

淳于

平昌 故屬瑯琊有晏鄉

青州

徐州

青州

<p>晉</p>	<p>青州</p>	<p>城陽郡 <small>前漢置後漢并入瑯琊郡自魏至晉分北海而立焉</small></p>	<p>朱虛 <small>故屬瑯琊安帝永初元年屬杜預曰縣東南有郛城</small></p>
<p>劉宋</p>	<p>徐州</p>	<p>東莞郡 <small>太康中置</small></p>	<p>淳于</p>
	<p>青州</p>	<p>高密郡 <small>宣帝置光武并北海晉惠又置</small></p>	<p>昌安</p>
		<p>平昌郡 <small>故屬城陽魏文帝分城陽置後省晉惠帝又置即梧成故處</small></p>	<p>安丘</p>
		<p>朱虛</p>	<p>安丘 <small>至惠帝元康十年改屬平昌郡</small></p>

六



	<p>元魏</p> <p>青州 膠州 <small>永安二年置</small></p>	<p>齊郡</p> <p>高密郡 <small>宋孝武并北海 延昌中復</small></p> <p>平昌 <small>後齊廢郡 置瑯琊縣</small></p>	<p>平昌 <small>延興三年屬至延昌 中復屬高密</small></p> <p>朱虛</p> <p>淳于 <small>後齊省入 高密</small></p> <p>昌安</p> <p>安丘 <small>後齊省入 昌安</small></p>
<p>隋</p>	<p>青州</p>	<p>高密郡 <small>舊置膠州開 皇五年改為 密州尋改為郡</small></p>	<p>安丘 <small>開皇十六年置曰安 山大業初改名并有 昌安入焉</small></p> <p>朱虛 <small>後齊省入 瑯琊</small></p>

			<p>郟城 <small>舊置平昌郟後齊廢郡置郟郟縣省</small></p> <p>朱虛 <small>入焉大業初改名郟城今縣西南六十里故城是</small></p>
唐	河南道	密州高密郡	<p>輔唐 <small>本安丘武德六年省郟城入焉乾元二年更此名</small></p>
梁	河南道	高密郡	<p>安丘 <small>開平間復</small></p>
後唐	河南道	高密郡	<p>輔唐 <small>同光中復唐舊名</small></p>
後晉	河南道	高密郡	<p>膠西 <small>天福六年省輔唐為膠西</small></p>
宋	京東東路	密州	<p>安丘 <small>開寶四年復為安丘至南渡為金所有改京東東路為山東東路</small></p>

元

山東東西道

益都路密州

安丘

國朝

山東

青州府

安丘

洪武二年始建青州府以安丘屬

安邱縣志卷之十三

歷代封建表第二

三代之王天下也瓜分土地以樹蕃屏親賢並建使各有寧宇以無逢其菑害至公心也豈有賴焉自秦罷侯置守公德掩息遊東布章古制蔑如矣漢鑿其失白茅青社彌漫宇中至釀重禍則礪山帶河固不若更代迭謝者無它虞也何乃獨罪秦哉安丘蕞爾之邑然國于斯者自周以來可指數也後世或食其采或取其名雖非三代之法猶曰利建之遺也斯于



邑不有當哉故釐而序之

爵謚

封錫

始封

子

孫

曾孫

玄孫

淳周同子

即州公

武王所封

其後魯桓公五年有  
如曹度其  
國危遂不  
復者

渠丘嬴公宋

即莒子

初封于  
渠丘後  
嗣為莒  
子魯成  
十四年  
卒

表

姓

一

如姓伯  
祀武  
公  
後降為子

祀初封  
雍丘傳  
四世至  
武公乃  
遷淳于

武公在  
靖公嗣

位四十二  
三

七年卒  
年卒

孝公白嗣  
八年  
年弟文公益  
姑嗣十四年  
悼公成嗣

六世  
七世

弟平公郁釐  
嗣十八年卒  
十二年卒

洪公嗣

八年卒

隱公乞嗣  
弟遂殺隱  
公自立是

八世

為僖公十  
九年卒

惠公嗣

十八年

卒

閔公維嗣  
六年弟閔  
殺閔公代立

九世

是為哀公十  
年卒

成公嗣

卒弟桓  
公姑容

嗣七十  
年卒

閔公子款嗣  
是為出公十  
二年卒簡公

十世

嗣立一年為  
楚所滅

右周時可考者三人

安丘

以卒從起  
方與屬魏

高帝八年  
孝文十  
孝景三  
十四年

元狩元年  
侯拾嗣九

懿侯

豹一歲五  
月以執盾

七月癸酉  
三年共  
年敬侯  
康侯新

年元鼎四  
年坐入上

張說

入漢以司馬擊項羽以將軍定代侯二千戶

封二十二

年卒

侯奴嗣

十二年卒

執嗣十

年卒

嗣二十

一年卒

林謀盜鹿又搏拊斃為城旦

朱虛

齊

高后二年五月

陽陵止造舜詔復家

六世

元康四年說玄孫之子

侯劉

惠

丙申封

章

王

八年為

城陽王





閔侯劉 鄆鄉	安丘 侯劉 常
魯頃王子	高密頃王子
成帝陽朔四年 四月甲寅封 七年建平三年 為魯王	鴻嘉元年正月 癸巳封 二十八 年免

郃 侯 光  
鄉 劉

楚 思 王 子

平帝元  
始元年  
二月丙  
辰封八  
年卒

右西漢可考者七人

安 侯 步  
丘 張

王莽未起  
兵據邯鄲  
既而受劉  
永命後斬  
永將蘇茂  
來降侯

光武建  
武五年  
封八年  
坐謀反  
誅

昌安 侯鄧 襲

高密侯 禹子

明帝永平元年 封

子藩嗣 尚顯宗 女平臯 長公主 和帝時 為侍中

平昌 公司 馬模

高密文獻王 泰子

惠帝時 封永嘉 初進爵 南陽王

右東漢可考者二人

昌安 縣元 侯石 鑿	安丘 公權 翼
厭次人 初封棠 陽子後 拜司空	秦州 畧 陽 人
武 帝 時 封	為符堅左僕射
子 晒 嗣	

...

...



右晉時可考者三人

本縣

平昌

初為建武  
參將江乘  
羅落覆舟

高祖

無

子孟

三戰有功

時

龍符

人

封後死于  
陣

封

子

右宋時可考者一人

平昌

烈

世祖封

公元

帝

太平真

託真

之後

君十年  
改為中

山王

平昌

以母劉氏

開國

代父金龍

子苟

固守梓潼

慶珍

有功封食

邑二百戶

平昌

平陸康

侯張

侯張儻

敬伯

子以隨

父歸國

功賜爵

正

子純陔

光

嗣齊受

中

禪爵例

封

降

高

祖

時

封

平昌  
公和  
其奴

代

人

高  
祖  
時  
封

子  
受  
嗣

平昌

開封人

莊帝時

縣侯

以納爾

封後奔

鄭先

朱榮功

梁死

護

侯

右元魏時可考者五人

	<p>平昌 公元 巖</p>		<p>平昌 王高 瑗</p>
	<p>京兆 北 萬 年 人</p>	<p>右北齊時可考者一人</p>	<p>廣平 公 盛 子</p>
<p>周時封 昌國縣 伯帝受 禪進封 為公</p>	<p>初嗣為 廣平公 後改封 為王</p>		
<p>子 弘 嗣</p>			

平昌系

<p>朱虛</p>		<p>平昌</p>
<p>伯顏</p>	<p>右隋時可考者二人</p>	<p>公宇</p>
<p>會</p>		<p>文攷</p>
<p>年追贈</p>		<p>字公輔洛陽人從平</p>
<p>二十</p>		<p>齊拜武威</p>
<p>七</p>		<p>縣公以與</p>
<p>孔子弟</p>		<p>陳將樊毅</p>
<p>子玄宗</p>		<p>戰有功封</p>
<p>百戶</p>		<p>加邑千二</p>
<p>封</p>		<p>初皇開</p>

<p>安丘 靖恭 王</p>		<p>淳于 伯步 叔乘</p>
<p>魯 靖王 子</p>	<p>右唐時追贈者二人</p>	<p>孔子弟 子玄宗 二十七 年追贈</p>
<p>宣 德時 封</p>		
<p>莊 簡王 卒嗣</p>		
<p>榮 順王 卒嗣</p>		
<p>端 惠王 卒嗣</p>		
<p>榮 恪王 卒嗣</p>		

系



今王願

六世

堀嗣

右 國朝錫號者一人

安邱縣志卷之十四

歷代秩官表第三

周之盛時寰內諸侯各以公姓公族分理其國雖有  
邑宰縣正之名其制未備至秦破天下為郡縣始設  
令丞簿尉漢興諸縣萬戶以上為令減萬戶為長大  
抵皆因秦舊獨學校之官未立也平帝時縣方有校  
校置經師一人魏晉及南北兩朝或沿或革不可具  
舉至唐又分上中下三等縣各有令丞簿尉其秩有  
差又置經學博士助教各一人宋初令丞簿尉如舊

而天下唯四書院其于學校益星落矣慶曆以後迺稍稍置之元時中縣不置丞別有達魯花赤一以蒙古人為之縣尹簿尉各一典史二教諭一安丘蓋中縣也明興首置學校判定官制大小相維以為子孫萬世法乃縣置知縣一人縣丞主簿典史各一人儒學教諭一人訓導二人稅課局大使一人陰陽學訓術一人醫學訓科一人僧會司僧會一人道會司道會一人知縣之職掌一縣之政令教養其所治民縣丞主簿為之佐貳主簿科巡捕分職任事典史典

出納文移分領縣事儒學教諭訓導主教民俊秀詳

學校考課稅課大使典稅以時權商賈僧屠及民間

貿易田宅等事嘉靖中裁去以其職併縣官陰陽訓術司刻漏籍

兩陽醫學訓科司方藥療人民二者皆土官不制祿僧道官領

僧若道士凡救日月食請雨請霽祀厲壇則謹率其

徒而施其教事嗚呼可謂博大精詳無復叢脞者矣

輯而叙之至訓導止雖袞斧不施然爵里姓氏具在

孰為尸而祝之孰為衡而過之孰為恣睢而冠讐之

若指諸掌可不各兢兢于其位哉

宋	神宗	元	考 以前亡 望縣秩 正八品	陳次升 有傳	達魯花 赤縣秩正八品
知縣	李安節 大觀中任	馬驥	縣丞 從八品		縣尹 品同上中縣 不置丞
主簿			尉 正九品		主簿 正八品中縣 以簿兼尉
					典史 正九品二 人
					教諭

至元

禿滿

六年任

牛牛

二十八年

海牙

三十一年任

劉榮祖

六年任

張在

本縣人有傳

馬瑞

二十一年任

梁世英

二十七年任

董士良

霍

方

張

二十八年任

郝

三十二年任

楫

榮

斌

霖紀

祥鄭朝宗

七年任本縣人



	大德		
至大也里忽市 元年任		王堉 二十九 年任	
忽都月思 三年任	田恭 有傳	三十一 年任	
	臧著 任十一年		
	鄒春		
王天佐 與忽都月 思同時	崔宜鄉 與也里 同時	李從善 八年任	

延祐

至正

明

張起嚴

有傳

李忠

三年任

教諭

秩未入  
流月俸  
三石

訓導

二人秩  
未入流  
三月俸  
三石

黃安壽

六年任

主簿

正九品  
月支俸  
五石五  
斗服錦  
帶馬  
與丞同

典史

秩未入  
流月支  
俸三石  
五斗馬  
同柴薪  
皂隸一

楊公

有傳

縣丞

正八品  
月支俸  
六石五  
斗服鵲  
錦帶銅  
鉤盤綬  
二色柴  
薪皂隸  
二名馬  
同

知縣

秩正七  
品月支  
俸七石  
五斗服  
鷲錦佩  
印帶用  
銀鉤盤  
綬三色  
欽給馬  
一匹柴

薪良隸  
四名

鄭原澤

三年任

洪武

曹彥良

陳章應

陸

演

十四年任

有傳

有傳

永樂

郭

庸

王

誠

四年任

十一年任

邊寧  
直隸唐  
縣人

賴生啓

杜

顯

十三年任

十四年任

張旗

鄭

冕

景泰		宣德	
徐亮	年任 山人 三	正統 戴雲 有傳	陳泰 有傳 常熟人 進士 十八年任
	四川名 陳公爵	劉俊 王璜	馬橋 有傳
顧信			
許倫			
王榮			

字德銘  
浙江壽昌人  
史員五年  
任

天順  
謝鎮

有傳

成化  
陳文偉

有傳

廉政

有傳

高邑

李璣

三年任

袁麟

通州人  
監生

方斌

九年任

王順

五年任

楊有

二年任

湖廣巴陵人  
儒士  
五年任

張鎮

張思誠

弘治		
郭桂	有傳	何淮 直隸大興人 進士 二十一年任
羅宣	二十一年任	王璞 直隸廣昌人 監生 十七年任 劉漢 趙鑑
王禮	十四年任	許璿 韓道
李經	河南湯陰人	畢宗 二十二年任
劉鈞	直隸桐城人 舉	陳侃 浙江海鹽人 六年任 霍霈 高厚 直隸永年人
龔信	二十三年任	周全 薛方華 河南杞縣人 舉 十二年任 曹安 有傳



李時清

陳琥

七年任

人十三  
年任

何洲

廣西歸

直隸河

王宗源

翟定

德州人

間人

直隸吳

十三年

舉人

七年任

橋人舉

任

王敬之

張浩

直隸滑

河南鄆

縣人舉

六年任

年任

張連

卓懷人

十年任

正德陳義

劉恭

楊時盛

高文瑤

劉鵬

羅輅

嘉靖	
王宏	河南人 舉人 六年任 直隸人 舉人 九年任 海人 舉人 九年任 朱夏
唐夢玉	河南中州人 舉人 二年任 員元 年任 傅大倫
范蓋	河南人 舉人 二年任 張弘 帶
李銘	
趙璋	
丘鳳	劉緒

長

長

口

下



任士十年

宋儒

直隸永舉年人舉年人舉年人舉

安正

陝西乾州人例貢十五年任

趙宗仁

陝西保

董弦

直隸內黃人十年任

張實

直隸永州人監生二十年任

金瑚

直隸鹽

甄爵

直隸無極人十年任

張一鑾

直隸通州人二十年任

劉乾

六年任

戴鰲

直隸桃源人二十年任

馬世賢

直隸涿州人二十年任

任十八年

任十三年

沈朝臣

直隸定州人二十年任

魏育凱

廣西臨桂人舉人三十年任

直隸全椒人三年

楊斐

唐濂

直隸山陽人十年任

徐英

江西臨川人二十年任

郭進

直隸唐縣人

貢監生

任

喬一峯

山西河東運

司人舉人十八年任

楊生輝

直隸南

樂人舉

人二十一年任

李文達

湖廣

任十四年

梁琴

直隸永

年人二十

任十七年

高汝言

山西太

原人三十

年任十年

徐彥芳

直隸唐縣人進士

士

韓顯祖

山西人二十

四年任

林濟

直隸太

平人二十

九年任

狄用臣

直隸大城人

王鳳

陝西朝

任十年

白朝相

直隸任

立人三十

四年任

黃九思

福建晉

江人四十

年任十年

任十八年

阮琳

福建長

樂人舉

任四年

趙緯

孫江

河南南陽人

二十四年任

馬昂

直隸獻

縣人監

生廿七

年任

朱子光

直隸文  
安人舉  
直隸來  
任十一年

人二十  
二年任  
貢三十  
梁敦

何尚賢  
楊大觀  
直隸  
縣人歲  
沛

山西  
氏人進  
貢三  
年任

張芹  
蔡閔  
直隸  
海人吏  
上

有傳  
直隸大  
員三十  
年任

邵大章  
生三十  
七年任  
李蛟

字本中  
杜時亨  
直隸  
州人監

浙江  
錢  
州人監

許龍

福建  
田人四

任十四  
年

浙江  
平人二

任十九  
年

胡繪

直隸  
河人三

任十八  
年

崔梓

河南  
州人三

任十五  
年

楊時信



塘人舉  
人三十  
一年任

直隸清  
豐人選  
貢三十  
八年任

生四十  
二年任  
李亨

許世道

黃中信

河南葉  
縣人四

河南河

直隸桐

任十三  
年

內人舉

城人史

任十三  
年

人三十  
八年任

員四十  
一年任

張瑤

王宮

王國祚

山西保  
德人四  
十歲

直隸隆

直隸蕪

貢四十  
五年任

慶衛人  
舉人四  
十一年

湖人吏  
員四十  
五年任

任

梁橋

山西懷  
仁人四  
十年任

蘇廷用

陝西膚  
施人三  
十九年

甄實

河南淇  
縣人三  
十六年

齊志魯

河南商

丘人舉

王應吉

有傳

隆慶

張朝瑞

直隸海州人進

任三年

宋存德

馮時泰

直隸東安人歲

任二年

王承業

劉

直隸完縣人

任三年

史

燦

直隸完縣人

任三年

宮

李春華

直隸丹徒人二

任年

張府

白

懷安衛人元

任年

直隸永年人三年任

麟

謝塘

秦憲

陳善道

直隸宣府衛人

任四年

李緒

直隸獻縣人四

任十五年

山西汾州人四年

有傳

直隸灤州人歲

直隸廣平人監

浙江錢塘人六

朱大化

直隸江寧人四

貢隆慶三年任

生五年任

年任

直隸蠡縣人舉

年任

趙守紀

任人五年

直隸無極人歲

張九德

貢五年任

山東鄒縣人六年任

萬曆

王儒

胡極

王秀民

葉時輝

吳御

武常

山西平定州人進士二年任

直隸績溪人監生元年任

直隸內丘人監生元年任

福建寧州人二年任

浙江壽昌人元年任

直隸六安人元年任

高大成

蔡國偉

王之梅

張永年

林九思

曹希直

山東平山人







安邱縣志卷之十五

歷代貢舉表第四

周禮選舉之法以三物教萬民鄉遂州黨皆有比考  
然後舉之在位蓋若斯之慎也漢承秦後雖有賢良  
方正孝廉茂材諸科而作人之法甚疎魏晉以來雕  
繪日啓而羅士者始以文矣逮乎隋煬乃設進士一  
時士族多競重之自唐宋迄今不易焉其時勢所趨  
使然乎國家遠慕成周捐益前代初設貢舉後病  
其浮文罷不設今有司各舉賢良方正聰明正直孝



弟力田經明行修之士數年之間人情濫惡馬賢冑  
以臯比鴟聲敷于囀喙網亦稍疎矣其後乃盡罷諸  
科獨存貢舉群俊秀于庠序三年大比而賓興之中  
式者曰舉人續食上春官復中曰進士諸生中餼廩  
深者凡縣間歲取一人曰歲貢諸選人進士舉人歲貢外有官生恩生等  
名流資外有吏員承差諸雜名此國家用人之大較也景泰中以戎  
馬生郊乃募民入粟為監生世所謂例貢也選舉益雜而多  
端矣今列其等第于篇自進士迄于武舉凡六等其  
以薦舉而進者國初不過都御史周顛同知馬仲賓

主簿樂正三人而已故不列于其次吏掾雖用人一途但多不可詰亦不著焉

漢 孝廉 茂才 薦辟 任子

光武

甄 宇

建武中徵拜博士

周 澤

建武末辟大司馬府署議曹祭酒

牟 融

牟 麟

六 系 卷 一 七

	<p>章帝 甄承</p>	<p>建武中 以司徒 茂才為 豐令</p>	<p>淳于恭 淳于孝</p>	<p>以父融 任為郎</p>		
<p>順帝</p>	<p>建初 舉孝廉</p>		<p>郎顛 舉有道 方正不 就陽嘉 三年公 車徵乃 詣闕</p>	<p>建初六 年詔詣 公車除 為郎除 人為舍</p>		



真宗

明鎬

中進士第  
補蘇州丞

仁宗

楊安國

楊光輔

以五經  
及第為  
枝江尉

密州守  
王博文  
薦為太  
學助教

神宗

韓晉卿

以五經  
及第知  
同州

欽宗

陳規

靖康末  
法科

明

洪武

十八年

二年

二年

進士

舉人

歲貢

官生

例貢

武舉

孫瑜

歷汝陽洋縣  
知縣調蘭州

判官陞蘇州  
府同知

王鏞

鴻臚寺  
丞

李吉

監祭御史  
改馬邑知  
縣陞建寧  
同知



辛酉年十

六年十

八年十

永樂

三年

四年

樂和

汝寧府  
同知

李純

藍田縣  
丞

李睿

順德知  
事

張宜

洪洞主  
簿

李盤

五年	六年 戊子	七年	八年
	李忱 羅山縣丞		
南陽府 磨	李敏 太原左衛經歷	王津 鄭州判官	王昱 海寧縣知

卷之六十一

九年  
辛卯

年

年  
一

年  
甲二

童祥  
陳鏞

大城縣  
丞

王威

平定同  
知

李智

宜均縣  
丞

張漢  
張忠

順德訓  
慶原知  
縣陞兵

馮驥  
馬指揮

廬江知縣

陳道

石州知州

李瑾

張泰

隋清

王貴

祥符訓導

十三年

徐官道

十四年

畢仁

十五年

劉濟  
郝馴

鞠宏

孟津訓

崔信

滄州訓

十六年

范政

十七年

丁恕

十八年  
庚子

張文  
劉文





六年

劉 珣

八年

呂 應 鍾

十年

李 盤

正統

白 顯

丁巳年

四年

李 旭

六年

王 珣

八年

周 穩

甲子年

張 翰

	乙丑年	十二年	景泰元年 庚午年	三年
	張翰 相家里 人有傳			
中順天鄉 試見進士				
	趙進 順和主簿	潘玉 聞喜縣丞	劉浩	宋璘 順義縣丞

卷之三

五年

丙子年

天順

二年

戊寅

己卯年

李恭

寇文昌

鳳翔檢校

馬思忠

驥子仁  
和縣丞

崔致

孟縣訓導

孫敬

見進士

王繹

霸州訓導陸  
新安教諭

四年	六年	八年	成化	二年 丙戌	四年
			孫敬	川里都人 授侍御史	
王楫	唐縣縣丞	王鳳	張豹	南陽檢校	任太原教
		津子			
			周讚	鳳翔知事	

長

子及系志卷十五

卷之六 官制

六年

八年

甲子年

十二年

張一清

翰子渭南知縣

陳謀

湯陰縣丞

沈增

祁府典寶

張縉

山西按察司檢校

周誠

許州吏目

年十八	子年庚六	年十四	年十三
	應山 知縣轉 任寶豐 字子安 黃泰		仇廉 沐陽訓 導
高鵬 安陽縣 丞	夔州知 事 王翔	藥 和孫 鋌	
	周寧		周謹 宣平主 簿

系

三



十九年癸卯

二十年

二十二年丙午

二十三年丁未

張鸞

見進士

王用

見進士

樂玉

和孫南  
康檢校

辛睿

保定訓導

王鎰

府軍中  
衛經歷

周謨

郭時進

字抑之  
吉州同知

七年	五年	弘治 三年 庚戌
		張 鸞 字應治 東北坊 人授戶 部主事 歷員外 郎陞 陝西 州知 州卒 陞 南 僉 事
王岳	張和 密雲 衛 經歷	高節 密縣 知 事
	周臣	潘鳳 千戶 所 史目

之

六

系

卷

上

一

未年十 己二	午年十 戌一	十年	九年	
張文錦 邑院莊 里人廣				
	王琳 東南坊 人有傳			
潘昂 平遙縣 丞	呂賢	陳昭	曹滕 字宗魯 未仕卒	河南布 政司理 問
	王鑑 三河主 簿			

寧衛籍  
中順天  
鄉試有  
傳

年十三

孫德崇

張鶚  
錢塘主簿

年十五

劉昂

高郵州  
同知

馬政

年十七

劉英

辛奎

正德  
元年  
丙寅

代州訓導  
王府教授

卷之六

三年

黃裳

湖泰子太  
縣丞

庚午  
五年

劉希龍

孟澄

見進士

趙景

見進士

七年

于佐

安陽訓  
導

八年

田紀

甲戌年

劉希龍

魁子字仁

甫安泰里

人授戶部

主事歷員

外郎中陞

衛輝知府

轉河南副

使

趙景

字光世西

泉里人授

南京大理

司評事陞

懷慶府知

府

張澄

簿武安主

陳祺



年十三	年十四	年十五	年十六	嘉靖
	黃禎 進士 元見			
李性 字惟善 有傳		周宗	曹光漢 滕子字 國華	高文
王道亨		周澤 武安主簿		徐崇修

元 午年	二 癸未年	四 乙酉年	六 年	七 年
	黃 禎	泰孫 宿家 里人有傳		
		辛 樂		
		有傳		
	王 達	孟縣 教諭	任 璿	劉 魁
		字君相 徐州衛 經歷	井陘 縣丞	字文元 林寧主簿
		李 真		

長

系

系

之

八

八年	九年	辛卯年	辛卯年 長年十一
		辛童	樂從弟字 吉卿牛沐 里人授刑 部主事歷 員外郎中 陞山西僉
		辛童 見進士	潘密
宣忠	周詎	唐玉	史寬
			王朝恩 字汝賢 淮安府 照磨

事山西左  
參議

年十二

年十三  
年甲

年十五

王大平  
王大化

見進士  
字大行

王鍾

臨漳縣

教諭

王士瑤

字邦獻

馬仲禮

十年戊戌

年丁酉

王嘉謨  
東北坊  
里人有

王嘉謨  
經魁  
進士

樂文  
合山訓  
導

鉅鹿知  
縣再任  
榮陽

馬九韶  
字純如  
四川

傳

王大平

字象行  
受山里  
人授戶  
部主事  
歷本部  
員外郎  
中陞大  
名府知  
府調長  
沙府

年十八

磨

王嘉言

字仲納無  
為州吏目

王秉彝  
舒城訓導



十九年

二十年

二十一年

二十二年

劉如松

希龍子  
字茂貞  
授柏鄉  
知縣陞  
宛平

周潮

字汝時  
杞縣縣  
丞陞登  
封知縣

高富

冀州訓  
導

王美

高選

隆慶衛  
訓導

李禧

字平主  
簿

何應春

麻冕

二十五年

二十七年

二十八年  
己酉

張崇先

寧津縣丞

曹汝勤

光漢子  
字希禹

黃守正

安東縣丞

孫克仁

字靜夫  
交河主簿

馬卿

曹一麟  
見進士

字伯鄰  
授慶都知縣

五 五 昇 六 一 一 一 一 一 一

二十九年

三十一年

馬斯臧

字遠猷授  
尚水知縣  
歷兵馬陞  
歸德同知

辛子厚

後改名  
應乾見  
進士

周

字子龍  
三河訓導

朱 珮

字子朝  
淮安府  
訓導

王克類

字懋昭

三  
年

三  
四  
丙  
辰

三  
五  
年

三  
七  
年

曹一麟

汝勤子  
建池里  
人有傳

李邦彥

字國賓  
故城訓  
導

劉希尹

字義甫廣  
平府訓導

李遠喬  
馬九霄

張鳴儒

劉克敬

戊午

三十八年  
己未

曹一鳳  
一麟弟  
有傳

字茂南  
授贊皇  
知縣陞  
絳州知  
州峯山  
里人

李遷梧

見進士

曹一鳳

見進士

字翰如  
溫州府  
訓導

何應祥

恒曲主  
簿

一四 年十	酉年四 年十	九三 年十	
辛應乾			李遷梧 遷喬弟 有傳
	進士 懋姪 見	劉希孟 經魁 見	
王學詩	馬文煒	王大均 字一行	
孫克禮		黃守業 禎子 字	
	周一朴 字伯順		

六日...

四三



王成

樂之姪 字伯符 牛沐里 人授長 治知縣 擢戶部 主事歷 員外郎 中陞永 平知府 山西副 使參政 廉使布 政陞都 御史巡 撫山西 轉兵部 左侍郎

字叔止 華昌府 教授

字立甫

馬文煒  
字仲韜  
東許里  
人授確  
山知縣  
擢監察  
御史陞  
御史陞  
德安府  
知府歷  
湖廣副  
使參政  
廉使江  
西左右  
布政使  
都御使  
巡撫江

辛觀吾  
童子字  
允明

四十年  
甲子

四十年  
五年

隆慶元年  
丁卯

韓必光

馬從義

王克比

周一朴

相孫經

字德純

字慈蒲

又中

魁字用

西三員

韜授定

與知縣

周守溫

改輝縣

字養和

高攀

孫光祖

字希古

高郵州

學正

韓必顯

李濟

李維屏

周一朴

見進士

字惠民黃  
縣教諭

又中

戊辰年

韓必顯

必光弟  
字用晦  
石珪里  
人授洛  
川知縣  
擢御史  
降照磨  
陞推官  
歷太僕  
寺丞南  
戶部郎  
中尚寶  
司丞  
陞本司  
少卿順  
天府

馬懋

字德昭  
由恩選  
授秀水  
丞改洪  
洞陞稷  
山知縣

孫克儉

字禹甫  
秋道縣  
丞陞忻  
州判官

三年

承通政  
司左通  
政陞都  
御陞都  
撫陝西

四年  
庚午

劉應球  
字伯玉  
經魁早  
卒

蕭來義  
字子舜  
濟陽訓  
導

秦東周

王慎行

辛未年

劉希孟

希龍弟  
字醇甫  
安泰聖  
人授安  
邑知縣  
再任河  
津知縣  
擢兵部  
主事改  
吏部歷  
員外見  
仕考功  
司郎中

劉思中

孟尚文

字汝周  
平慶州  
訓導



字子睿  
大寧都  
司籍中  
順天鄉  
試任湖  
廣郎襄  
兵備副  
使

萬曆

元年  
癸酉

二年

曹一鵠

武清知  
縣

黃祿

秦孫恩  
貢

樂鳴崗

字休徵  
南樂教  
諭

孫承胤

字子裔  
由生員

三年

四年  
丙子年

五年

六年

王約

字從博  
徐州州

列

王孟煦

見進士

劉縝

字克乘  
未任卒

董崇正

字子儒  
邳城訓

孫承基

字子聲

辛衍慶

應乾子  
字光遠

閻文

九年	二十一年	二十二年	二十三年	二十四年	二十五年	二十六年
導	吳守讓	張書紳 字繼洵 平度州訓導	馬斯才	字遠畧 萊州府訓導	馬從龍	文煒子 經魁字
李三恕	王三壘	字盡制 范縣訓				

<p>亥年 丁五</p>	<p>戌年 丙四</p>	<p>王孟煦 士瑤子 字育明 東泉里 人選翰 林院庶 吉士授 禮科給 事中</p>	<p>君昇</p>
<p>王光襲 字禹化</p>	<p>導</p>	<p>辛衍澤 字濟遠 以父侍 郎應純 考滿蔭</p>	
<p>曹應壘 字和甫 一麟子 由候增 生員</p>	<p>王弘謨 字文仲 李三道 字惟入 由生員</p>		

子年十六  
戊六

丑年十七  
己七

王業弘  
字化熙  
紅河里人

王業弘  
見進士

安邱縣志卷之十六

明興以來勲封表第五

仕而得推恩所生自古以來未之有改也蓋至明  
而加隆焉傳曰葛藟猶芘其根况生人之本乎今令  
甲所著內外臣工凡考績得稱者例許勲封所生其  
三品而上則并其祖而寵錫之若它大慶單恩不  
在是數嗚呼國家亦何負于士哉然君以款貴  
之權波及乎吾親吾不能以犬馬之身圖報于君  
以辱厥親非夫也用是輯次于左一以昭皇恩一



以作忠孝非徒紀榮遇已也

姓氏

族屬  
本色

始封

再封

三封

四封

五封

張璉

鸞之父

贈奉直大夫  
戶部  
西清史司  
署郎中事  
員外郎

王繹

用舉  
之父  
人

封文林  
郎陝西  
道監察  
御史

王斐

趙玘

黃錦

琳之父

景之父

禎之父

贈文林

郎廣西

道監察

御史

贈文林

郎南京

大理司

左評事

封承德郎

戶部山西

清史司主

事

卓祥

童之父

贈承德郎  
刑部  
江西清  
吏司主  
事

王致

嘉謨之父

贈承德郎  
戶部雲南  
清吏司主  
事

王至

文平之父

贈承德郎  
戶部河南  
清吏司主  
事

曹汝勤

李完

馬陳圖

鳳一  
之  
父  
貢  
士

遷  
梧  
之  
父

斯  
臧  
之  
父  
員

對承德郎  
南京戶部  
湖廣清史  
司署郎中  
事主事

贈承德郎  
戶部山西  
清史司主  
事

封南京  
南城兵  
馬指揮

奉政大夫  
南京吏部  
考功司郎  
中

子係

辛睿

應 乾 之 祖  
訓 導

贈 通 議 大 夫 兵 部 左 侍 郎

奉 政 大 夫 戶 部

中 憲 大 夫 都 察 院 右 僉 事

通 議 大 夫 兵 部

辛禮

應 乾 之 父

贈 承 德 郎 戶 部 浙 江 清 貴 州 清 史 司 主 事

中 史 司 郎

都 御 史

左 侍 郎

馬惠

文 輝 之 父  
生 員

贈 文 林 郎 確 山 縣 知 縣

文 林 郎 山 西 道 監 察 御 史

中 憲 大 夫 德 安 府 知 府

劉魁

劉守廉

希孟之父  
簿

必顯之父

贈承德郎  
吏部稽勳司  
主事

封承德郎  
尚寶司丞


卷之四  
四  
四  
四  
四  
四  
四  
四  
四  
四  
四



安邱縣志卷之十七

邑人馬文煒撰

宦蹟傳第一

職官有表矣復錄宦蹟何旌賢也何賢之清察則賢長厚則賢  
剔其蠹而易之利也則賢語曰何知仁義已嚮其利者為有德  
是愛徵也余何能易焉故所稱說壹稟于父老之口然恐不無  
挂漏者矣

宋楊日嚴字垂訓河南人真宗時進士及第試秘書省校書郎  
知安邱縣以惠政聞累官至龍圖閣學士知澶州

陳次升字當時興化仙游人神宗時入太學時學官以王安石

字說訓諸生次升作曰丞相豈秦學邢美商鞅能行仁政而為  
李斯解事非秦學而何坐屏斥既而第進士知安邱轉運使吳  
居厚以聚斂進檄尉罔征稅於遠郊得農家敗絮捕送縣次升  
縱遣之居厚怒將被以文法會御史中丞黃履薦為監察御史  
累官寶文閣待制知穎昌府

元田恭兗州人大德間以寧海判官遷安邱尹修舉廢墜勤恤  
民隱尤加意于農桑學校士民愛服

張起巖字夢臣濟南人年弱冠以察舉為福山縣學教諭政成  
遷安邱博學有文善篆隸中延祐乙卯進士廷試為第一人官  
至翰林承旨謚文穆

楊公獻縣人至正五年知安邱有雋才興利除害愛民如子  
國朝陸演浙江西安人洪武中由監生為安邱典史性資明敏  
才能治劇後遷山陽知縣擢為監察御史

陳章應福建晉江人洪武中進士由榆次縣丞調安邱清節更  
才郡邑稱最會 詔求政績異等藩臬考公政學通敏材品清  
真遂應詔

上嘉其廉幹降旌善榜以示激勸擢禮部主事

鄭冕直隸昌黎人永樂中以吏員為安邱縣丞為人長厚佐政  
公勤百姓愛服擢工部主事

張旗山西榆次人永樂十六年由監生知安邱會妖賊唐賽兒

黨賓鴻等攻掠安邱。旗率民兵八百人以死拒戰，賊敗。復集眾攻城，會備倭都指揮衛青率千騎至，旗出城中兵合擊，大敗之，斬首二千餘級，生虜四千餘人，卒。全安邱事聞，擢旗山東左叅政，賜襲衣金帶。

馬為陝西徽州人。永樂中以監生為安邱縣丞，與知縣張旗同力拒賊有功，擢山東左叅議，亦賜衣帶。

張輔山西保德州人。宣德四年以監生知安邱，廉直有為，鋤強抑暴盜賊，屏迹去。任行李蕭然。

謝鎮字從粟，直隸冀州人。天順七年以舉人知安邱，有敏才，百廢皆舉，廉謹仁愛。歷八年如一日，百姓立祠祀之。祠今已圮。



陳文偉字伯豪直隸舒城人成化十一年由舉人知博興有聲  
薦為邊才不果用調安邱剛正廉介人不敢干以私興學勵才  
訟簡盜息民懷其惠焉

廉政山西潞州人成化十七年由舉人知安邱廉明剛方尤嚴  
祀事祭物豐潔嘗親滌牲于河率諸生宿齋舍祭之日風肅肅  
然赤光瀰漫殿廡間或聞籩豆有聲人以為誠敬所格云

曹安直隸華亭人成化中由舉人為安邱教諭性履端方文詞  
贍博諸生皆愛敬焉

郭桂陝西咸寧人弘治四年由進士知安邱以清節自勵其獄  
決無大小不崇朝而畢期年境內晏然號稱神明

張芹山西孝義人嘉靖二十九年由進士知安邱敏練有才事  
至不數語立折案無留牘尤加惠貧民以憂去任父老遮道涕  
泣車終日不得發

王應吉山西襄陵人嘉靖四十五年由進士知安邱律身廉潔  
政尚惠愛時屬大慶屢免田租公得與俱休息于無為民獲樂  
業終日不聞鞭扶聲而事皆辦理後應 詔北上人皆戀戀不  
忍舍

宋存德字惟一南京錦衣衛人隆慶五年由進士知安邱為人  
寬厚慈愛百姓號曰宋佛先是邑中水患賦多逋公至一切緩  
之曰吾不忍竭而漁使民終歲不得半菽也竟坐拙催被劾百

姓詣御史中丞蘄留者幾千人不得會 朝覲遂不復歸百姓聞之若喪慈母焉

張永年直隸慶都人萬曆四年為安邱典史性木強勤于蒞政事有妨于民者雖貴倨干之輒謝不從其清苦之操尤為罕儷卒于官至亡以為歛蓋幕中之翹楚者

論曰今之宦者僅黔竈煖席而已然出一善政雖數十世猶追數其美焉况其近者邪若次升不畏權貴章應特 詔表異旗為以死衛民廉政恪共祀事此其最著也若它剖竹宣猷建旗立政雖不結于一轍並所居流惠去後見思可謂各稱其位者矣



傳

古  
色  
鼻  
六  
尺  
八

安邱縣志卷之十八

儒林傳第二

夫士之砥行立名者道固多端然度之無先儒術者故班椽叙  
儒流庭百家而上之有以哉安邱于齊魯不過儒之一袂然而  
琅琅聲往牒者不絕焉其于素業可謂綴之矣故采之為儒林  
篇

牟融字子優後漢光武時人少博學以大夏侯尚書教授門徒  
數百人名稱州里以司徒茂才為豐令視事三年縣無獄訟為  
州郡最司徒范滂薦融忠正公方經行純備宜在本朝並上其  
理狀永平五年入代鮑昱為司隸校尉多所舉正百僚敬憚之

八年代包咸為大鴻臚代鮭陽鴻為大司農是時顯宗方勤萬  
機公卿數朝會每輒延謀政事判折獄訟融經明才高善議論  
朝廷皆服其能帝數嗟歎以為才堪宰相明年代伏恭為司空  
舉動方重甚得大臣節肅宗即位以融先朝名臣代趙憺為太  
尉與憺參錄尚書事建初四年薨車駕親臨其喪賜塚塋地于  
顯節陵下

周澤字穉都光武時人少習公羊嚴氏春秋隱居教授門徒常  
數百人建武末辟大司馬府署議曹祭酒數月徵試博士中元  
元年遷黽池令奉公克己矜恤孤羸吏人歸愛之永平五年遷  
右中郎將十年拜太常澤果敢直言數有據爭後北地太守廖

信坐貪穢下獄沒入財產顯宗以信臧物班諸廉吏唯澤及光祿勳孫堪大司農常冲特蒙賜焉堪字子穉行類于澤故京師號曰二穉十二年以澤行司徒事澤性簡忽威儀頗失宰相之望數月復為太常清潔循行盡敬宗廟常卧病齋宮其妻哀澤老病闕問所苦澤大怒以妻干犯齋禁遂收送詔獄謝罪當世疑其詭激時人為之語曰生世不諧作太常妻一歲三百六十日三百五十九日齋一日不齋醉如泥十八年拜侍中騎都尉後數為三老五更建初中致仕卒于家

甄字字長文明帝時人清靜少欲習嚴氏春秋教授常數百人建武中為州從事徵拜博士故事每臘詔書賜博士一羊羊有

大小肥瘦時博士祭酒議欲殺羊分肉又欲投鉤字復恥之因先取其最瘦者由是不復有爭訟後召會問瘦羊博士所在京師因以號之稍遷太子少傅卒于官

甄承字之孫也章帝時人尤篤學未嘗視家事講授常數百人諸儒以承三世傳業莫不歸服之建初中舉孝廉卒于梁相子孫傳學不絕

郎顛字稚光順帝時人父宗學京氏易善風角能望氣占候吉

凶詳見高士傳顛少傳父業兼明經典隱居海畔延致學徒常數百

人晝研精義夜占象度勤心銳思朝夕無倦州郡辟召舉有道方正并不就順帝時灾異屢見陽嘉二年正月公車徵顛乃詣



闕拜章條便宜七事又上書薦黃瓊李固並陳消災之術復條便宜四事詞多不錄詔拜郎中辭病不就即去歸家至四月京師地震遂陷其夏大旱秋鮮卑入馬邑城破代郡兵明年西羌寇隴右皆畧如顛言後復公車徵不行為同縣孫禮所殺

邴原字根矩魏初人家貧早孤鄰有書舍原過之而泣師問曰童子何悲原曰夫書者必皆具有父兄一則羨其不孤二則羨其得學師哀其言為之授書一冬之間誦孝經論語自在童齒

嶷然有異及長金玉其行游學四方後為郡所召署功曹主簿時魯國孔融在郡教選計當任公卿之才乃以原為計佐是時漢朝陵遲政以賄成原乃將家人入鬱洲山中郡舉有道融書

喻之原遂到遼東遼東多虎原之邑落獨無虎原嘗行而得遺錢拾以繫樹枝此錢既不見取而繫錢者愈多問其故答者謂之神樹原惡其由已而成淫祀乃辯之于是里中遂斂其錢以為社供原在遼東積十餘年後乃遁還遂免危難于是講述禮樂吟咏詩書門徒數百服道數十名與鄭玄爭埒故海內謂青州有邴鄭之學魏太祖為司空辟原署東閣祭酒原女早亡時太祖愛子倉舒亦沒太祖欲求合葬原辭曰合葬非禮也原之所以自容于明公公之所以待原者以能守訓典而不易也若聽明公之命則是凡庸也明公焉以為哉太祖乃止原雖在軍歷署常以病疾高枕里巷終不當事又希會見徒署丞徵事代



涼茂為五官將長史閉門自守非公事不出太子一日燕會衆  
賓百數十人乃建議曰君父各有篤疾有藥一丸可救一人當  
救君邪父邪衆人紛紜莫定太子諮之于原原勃然對曰父也  
太子亦不復難之太祖征吳原從行卒

徐苗字叔胄晉武帝時人祖華父邵並知名少家貧晝執鉏耒  
夜則吟誦弱冠就博士濟南宋鈞受業遂為儒宗前後所造數  
萬言皆有義味性抗烈輕財貴義兼有知人之鑒弟患口癰膿  
潰肉苗為吮之其兄皆早亡撫養孤遺慈愛聞于州里田宅奴  
婢盡推與之鄉鄰有死者便輟耕助營棺槨門生亡于家即斂  
于講堂其行已純至類皆如此遠近咸歸其義師其行焉郡察

孝廉州辟從事治中別駕舉異行公府五辟博士再徵並不就  
武惠時計吏至臺帝輒訪其安不永寧二年卒遺命濯巾澣衣  
榆棺雜塲露車載尸葦席瓦器而已

伏曼容字公儀齊梁間人晉著作郎涵之曾孫也少篤學善老  
易個儻好大言常云何晏疑易中九事以吾觀之晏了不學也  
故知平叔有所短聚徒教授以自業為驃騎行參軍宋明帝好  
周易常集朝臣于清暑殿講詔曼容執經曼容素美風采帝恒  
以方嵇叔夜使吳人陸探微畫叔夜像以賜之袁粲為丹陽尹  
請為江寧令入拜為尚書外兵郎嘗與粲罷朝相會言玄理時  
論以為一臺二絕齊建元中上書勸封禪高帝以為其禮難備

不從仕為太子率更令侍皇太子講衛將軍儉深相愛好令與

河內司馬憲吳郡陸澄共撰喪服既成又欲與定禮樂會儉薨

建武中拜中散大夫時明帝此齊明帝不重儒術曼容宅在瓦官寺

東施高坐于聽事有賓客輒升高坐為講說生徒常數十百人

梁臺建召拜司徒司馬出為臨海太守天監元年卒官年八十

二曼容多伎術善音律射馭風角醫筭莫不閑了

楊光輔宋真宗時人居馬耆山學者多從受經密州守王博文

薦為太學助教乾興元年孫奭知兗州私建學舍聚生徒乞請

光輔充本州講從之尋薦為太常奉禮郎州學講書既而奭與

馮元薦其子安國為國子監直講並召光輔仁宗命說尚書光

輔曰堯舜之事遠而未易行願講無逸一篇時年七十矣論說  
明暢帝悅欲留為學官辭以國子監丞老于家

楊安國字君倚光輔之子也仁宗時五經及第為枝江縣尉後  
遷大理寺丞父光輔教授兗州請監兗州酒稅徙監益州糧料  
院既而孫奭與馮元薦為國子監直講景祐初置崇政殿說書  
安國以國子博士預選久之進天章閣侍講累遷給事中年七  
十餘卒贈尚書禮部侍郎安國講說一以注疏為主無他發明  
尤喜緯書及注疏所引緯書則尊之與經等在經筵二十七年  
仁宗稱其行義淳質似崔遵度嘗講周官至大荒大札則薄征  
緩刑因進言曰古所謂緩刑乃貫過誤之民爾今衆持兵仗取



民廩食一切寬之恐無以禁姦帝曰不然天下皆吾赤子迫于  
餓莩至起為盜州縣既不能賑恤乃捕而殺之不亦甚乎嘗請  
書無逸篇于邇英閣後屏帝曰朕不欲背聖言命蔡襄書無逸  
王洙書孝經四章列置左右

論曰諸儒自牟融周邠而外悉為世家固知文學雖天性自有  
乎抑亦習漸使然也然郎顛精于父術策天下事若龜計焉而  
不得免何也豈其學京氏術故其行事類之邪而宗居然高矣

作

身身身身身

安邱縣志卷之十九

事功傳第三

邑之搢紳而游者不少矣然求儻然有聲稱者何董董也將遭際者然邪抑人之才不可強邪故世有行甚清謹文甚辨博而不足效于時者其致殊也今之所據雖叢雜不倫然上焉戡危定亂次焉奉法循理并能表見于世不為徒然者矣

伏暉字玄耀曼容之子也梁武帝時人幼傳父業能言玄理仕齊為東陽郡丞秩滿為鄆令梁武帝踐祚兼五經博士出為永陽內史在郡清潔治務安靜郡民何貞秀等一百五十四人詣州言狀湘州刺史以聞詔勅有十五事為吏民所懷帝善之徙



新安太守民賦稅不登者輒以太守田米助之郡多麻苧家人  
乃至無以為繩其厲志如此屬縣始新遂安海寧並同時生為  
立祠徵為國子博士領長水校尉時始興內史何遠累著清績  
武帝詔擢為黃門侍郎俄遷信武將軍監吳郡事暉自以名輩  
素在遠前為吏俱稱廉白遠累見擢暉遷階而已意望不滿多  
託疾居家尋求假到東陽迎妹喪因留會稽築宅自表解職詔  
以為預章內史乃出拜治書御史虞曠劾之有詔勿治暉遂得  
就郡視事三年徵為給事黃門侍郎領國子博士未及起普通  
元年卒于郡時年五十九尚書右僕射徐勉為之墓誌其一章  
曰東區南服愛結民胥相望伏闕繼  
軌奏書或卧其轍或扳其車或圖其像或式其閭思狀借冠曷以尚諸 暉性儉素車服麤惡外雖

退靜內不免心競故見譏于時然能推薦後來常若不及少年士子或以此依之

明鎬字化基宋真宗時人中進士第補蘄州防禦推官兵部員外郎直史館益州路轉運使時知陵州楚應幾賊敗或告先期奏之鎬曰獲罪則已安可欺朝廷耶卒坐失察降知同州未逾月會元昊寇延州起為陝西轉運使常閱同州廂軍得材武者三百人教以強弩奏為清邊軍號最驍悍其後陝西河東頗仿置之累擢龍圖閣直學士知并州鎬大巡邊以備賊時邊任多紕繆子弟鎬乃取尤不職者杖之疲軟者皆自解去遂奏擇習事者守堡砦軍行娼婦多從之鎬欲驅逐惡傷士卒心會有忿

爭殺娼婦者吏執之以白鎬曰彼來軍中何也縱去不治娼婦

聞皆散走以樞密直學士左諫議大夫知成德軍入知開封府

王則叛據恩州命鎬為體量安撫使則未下又命叅知政事文

彥博為宣撫以鎬副之則初涿州人歲飢流至恩州以妖術惑

門曰中京改年曰得聖以十二月城峻不可攻即南城為地道

日攻其北牽制之及文彥博至穴通城中選壯士中夜由地道

入眾登城賊縱火牛官軍以槍中牛鼻牛還攻之賊大潰開東

門遁恩州遂平遷鎬端明殿學士彥博數推其功遷至叅知政

事已而疽發背卒謚文烈鎬端挺寡言所至安靜有體而遇事

不苟為世推重

韓晉卿字伯修神宗時人以五經中第歷官知同州壽州奏課  
第一擢刑部郎中元祐初知明州兩浙轉運使差役法復行諸  
道處畫多倉卒失叙獨晉卿視民所宜而不戾法指入為大理  
少卿遷卿晉卿自仁宗朝已典訟時朝廷有疑議輒下公卿雜  
議開封民爭鶡殺人王安石以為盜拒捕鬪而死殺之無罪晉  
卿曰是鬪殺也登州婦人謀殺夫郡守許遵執為按問安石復  
主之晉卿曰當死事久不決爭論盈庭終持之不肯變用是知  
名元豐置大理獄多內庭所付晉卿持平考核無所上下神宗  
稱其才嘗被詔按治寧州獄循故事當入對晉卿曰奉使有指  
三尺法具在豈應刺候主意輕重其心乎受命即行議者欲引

唐日覆奏令天下庶戮悉奏決晉卿言可疑可矜者許上請祖  
宗之制也四海萬里必須繫以聽朝命恐自今庾死者多于伏  
辜者矣朝廷皆行其說故士大夫推其忠厚不以法家名之卒  
于官

陳規字元則欽宗時人中明法科靖康末金人入侵殺鎮海軍  
節度使劉延慶其徒祝進王在去為盜時規為安陸令會祝進  
攻德安府守棄城遁規攝守事率兵討却之既而在復與進合  
以砲石鵝車攻城規連戰敗之二人懼引去建炎元年除直龍  
圖閣知德安府李孝義以步騎數萬薄城陽稱受詔招規登城  
視其營壘曰此詐也亟為備夜半孝義兵圍城遂大敗之與羣



盜楊進相持十八日進技窮以百人自衛抵濠上求和規出城與交臂語進感之折箭為誓而去除德安府復州漢陽軍鎮撫使俄升徽猷閣待制時李橫圍城造天橋填濠鼓譟臨城規帥衆禦之砲傷足神色不變圍急糧盡出家財勞軍士氣益振橫遣人來願得妓女罷軍規不許諸將曰圍城七十日矣以一婦活一城不亦可乎規竟不予會濠橋陷規以六十人持火槍自西門出焚天橋以火牛助之須臾皆盡橫拔砮去累遷龍圖閣直學士後改知順昌府葺城壁招流亡立保伍會劉錡領兵赴京留守過郡境規出迎坐未定傳金人已入京城即告錡城中存粟數萬斛勉同為死守計相與登城區畫粗畢金遊騎已薄



城矣金龍虎大王提重兵踵至規躬擐甲胄與錡巡城督戰用神臂弓射之稍引退復以潛兵斫營殲其賊甚衆金人告急于兀朮規大饗將士問策將安出諸將亦謂今已累捷宜乘勢全師而歸規曰朝廷養兵十五年正欲為緩急用况屢挫其鋒軍聲稍振規已分一死進亦死退亦死不如進為忠也錡叱諸將曰府公丈人猶誓死守况汝曹耶已而兀朮至并兵十餘萬攻城時方劇暑規謂錡曰毋多出軍第更隊易器以逸制勞幾不勝矣每清晨輒堅壁不出伺金兵暴烈日中至未申氣力疲則城中兵爭奮斬獲無算兀朮宵遁錡奏功詔褒諭之遷樞密直學士移知廬州兼淮西安撫尋卒年七十贈右正議大夫乾道

八年詔刻規德安守城錄頌天下為諸守將法立廟德安賜額

賢守追封忠利侯後加封智敏規好振施家無贏財嘗為女求

乃雲夢張貢士女也亂離夫死無所托鬻身求活規即輟女奩嫁之聞者感泣

張翰國朝人正統中由進士授廣東道監察御史時英宗北

狩邨王監國翰與給事中王竑等面奏王振誤國之罪請籍沒

其家因索振所親信長隨毛王二人于邨王前毆殺之于是直

聲動朝宇後陞江西左叅議未幾致仕家居授徒講學室無環

堵巡撫龔某者給官地俾築室以居貧約恬靜至今鄉曲誦之

張文錦字闇夫邑院莊里人遼東廣寧衛籍中弘治己未進士

授戶部主事忤劉瑾罷官設教泰山後瑾敗累遷安慶府知府

正德己卯六月宸濠反舳艫蔽江而下欲取南京道經安慶文  
錦與守備都指揮楊銳集衆誓死固守令軍士鼓譟登城大罵  
之濠怒遂駐師督衆舉土實壑攻城城上矢石如雨賊多死傷  
數日不能克濠乃令僉事潘鵬遣其家人持書入城諭降銳手  
斬之支解其屍投城下以殉賊勢遂怯會王守仁據南昌宸濠  
還救圍乃解濠擒擢文錦太僕寺卿尋陞都御史巡撫宣府以  
軍餉故為亂兵所害

王用字士賢少負氣節有膽畧中成化丁未進士授行人擢監  
察御史侃侃不阿時人以其面黑遂號為真鐵面御史紀功西  
陲將帥以下莫不憚服時大同有警左侍郎許某太監金某擁

兵不出用劾之且陳邊事宜以聞 上嘉納之後陞夔州知府  
未幾致仕歸家卒

王琳字彥佩少孤事母甚謹及長雅負奇氣弘治間領鄉薦授  
武昌令政多惠愛百姓立祠祀之徙聞喜有異績擢監察御史  
風裁凜然所至豪猾斂戢雖 朝廷亦知名焉後轉山西僉事  
以大同軍叛憤激而卒

王嘉謨字仲陳少聰敏中嘉靖戊戌進士授戶部主事歷員外  
郎中陞湖廣僉事卒于官性和易與人無町畦所至清謹人多  
稱之

曹一鳳字伯儀少不甚慧又耳塞年及舞象忽一日耳開警敏



異常中嘉靖己未進士授南京戶部主事督賦於湖湘間湖湘  
民貧至則多方區畫不苛不縱楚人宜之尋陞員外歷考功郎  
中與考察留都官權度精切士論稱平嘗曰吾生平之行無以  
踰人非其力不食非其知不為而已未幾擢為河南副使 命  
未下已卒矣時年三十四隆慶中入鄉賢祠

論曰世之譚措紳者徃徃不與其攷畧然余觀明鎬陳規張文  
錦輩出竒應變即古良將何加焉士固未可皮相哉伏甌等雖  
未大有樹也而清白之操骨鯁之節固當官之型範矣乎

安邱縣志卷之二十

文苑傳第四

文章小技耳而工者代不數人邑中無論振玉鏘金不可多得  
即堇堇名家抑何少也考之前史一姓而已 國朝文運熾昌  
二百年來操觚者蓬起而衰然成一家者誰乎姑即其佼佼者  
錄之以續文苑云

伏滔字玄度晉簡文時人有才學少知名州舉秀才辟別駕皆  
不就大司馬桓溫引為參軍深加禮接每宴集之所必命滔同  
游從溫伐袁粲至壽陽以淮南屢叛著論二篇名曰正淮詞多  
不錄壽陽平以功封聞喜縣侯太元中拜著作郎專掌國史領



本州大中正孝武帝常會于西堂滄豫坐還下車先呼子系之謂曰百人高會天子先問伏滄在坐不此故未易得為人作父如此定何如也遷游擊將軍著作如故卒官子系之

系之字敬魯亦有文才歷黃門郎侍郎侍中尚書光祿大夫有文集二十卷行于時

伏挺字士操滄之六世孫也梁武帝時人父暉在事功傳挺幼敏寤七歲通孝經論語及長博學有才思爲五言詩善效謝康樂體父友樂安任昉深相歎異常曰此子目下無雙齊末州舉秀才策爲當時第一梁武帝義師至挺迎謁于新林帝見之甚悅謂之顏子引爲征東行參軍時年十八天監初除中軍參軍

事居宅在潮溝于宅講論語聽者傾朝挺三世同時聚徒教授罕有其比遷建康正俄以劾免久之入為尚書儀曹郎遷晉陵武康令罷縣仍于東郊築室不復仕挺少有盛名又善處當世朝中勢素多與交遊故不能久事隱靜尋除南臺治書因事細賄被劾懼罪乃變服出家名僧挺藏匿久之後遇赦乃出大心寺會邵陵王為江州撫挺之鎮王好文義深被恩禮挺不堪疏素因此還俗復隨王還鎮郢州徵入為京尹挺留夏首久之還京師太清中客遊吳興吳郡侯景亂中卒挺弟捶

捶亦有才名先為邵陵王所引歷為記室中記室參軍

黃禎字德兆 國朝人少有重名舉嘉靖癸未進士性磊落自

負固殉時好為兵部武選司郎中坐失火下獄免歸復起吏部  
文選郎中以御史洪垣言復下獄免官家居嘗獨坐一樓日事  
吟咏徧擬諸名家詩為文力追古作不為靡麗語與樂安李舜  
臣齊名海內謂之李黃所著文集若干卷獨擬騷梓行于世

論曰魏帝有言文人類不護細行夫玄度當時名流西堂之會

至誇其子陋矣袁虎恥與比肩宜哉袁虎伏滔同在桓公府桓

恥之恒歎曰公之厚意未足以榮國士與伏滔比肩亦何辱如之若士操納賂為僧愈不逮其

前人其伏氏之僂乎德兆再下圜圜蔚然一時所謂非困窮惡

能激者邪

安邱縣志卷之二十一

武胄傳第五

今拘儒抱咫尺之藝徃徃卑介胄為鄙俗及一旦搶攘韓甲代馬交于國中彼不股栗以死則奉身邈耳烏能與介胄角也詩曰文武吉甫萬邦為憲是難其人哉得其一節均可重矣邑中儒雅搢紳之士固多而以閥閱起家者蓋亦有焉故著之篇若洪永之際如指揮任旺劉成丁禮王愷楊剛千戶李貴百戶劉士源等不過効奔走于其麾下者耳烏足數哉烏足數哉

孟懷玉六朝宗高祖時人寄居京口高祖東伐孫恩以懷玉為建武司馬豫義旗從平京城進定京邑以功封鄱陽縣侯食邑

千戶高祖鎮京口以懷玉為鎮軍參軍累遷輔國將軍領丹陽府兵戎石頭盧循逼京邑懷玉于石頭岸連戰有功為中軍咨議參軍賊帥徐道覆屢欲以精銳登岸畏懷玉不敢上及循南走懷玉與衆軍追躡直至嶺表徐道覆屯結始興懷玉攻圍之身當矢石旬月乃陷仍南追循循平又封陽豐縣男食邑二百五十戶八年遷江州刺史尋督六郡諸軍事時荊州刺史司馬休之居上流有異志故受懷玉此任以防之十一年加持節丁父艱懷玉有孝性因抱篤疾上表陳解不許又自陳弟仙客出繼喪主唯已乃見聽未去任其年卒官時年三十一追贈平南

將軍子慧熙嗣



孟龍符高祖時人懷玉弟也驍果有膽氣幹力絕人少好游俠  
結客于閭里早為高祖所知既克京城以龍符為建武參軍江  
乘羅落覆舟三戰有功封平昌縣五等子加寧遠將軍淮陵太  
守又嘗征桓歆討索虜斛蘭並有功高祖伐廣固以龍符為車  
騎將軍加龍驤將軍廣川太守統步騎為前鋒軍達臨朐與賊  
爭水龍符單騎衝突應手破散即據水源賊遂退走龍符乘勝  
奔逐後騎不及賊數千騎圍繞攻之龍符奮稍接戰每一合輒  
殺數人衆寡不敵遂見害時年三十三高祖深加痛悼追贈青  
州刺史又表曰龍符投袂義初前驅致命推鋒三捷每為衆先  
及西剽桓歆北殄索虜朝議爵賞未及施行會今北伐復統前



旅臨朐之戰氣冠三軍奮戈深入知死弗吝賊超奔遁依險為聚大軍因勢方軌長驅考其庸績豫參濟不竊謂宜班爵土以褒勲烈乃追封臨沅縣男食邑五百戶無子姪微生嗣封

孟係祖微生子也孝武時人初隨父徙廣州大明初諸流徙者悉聽還時微生已死係祖遂歸京都有筋幹異力能僂負數人入隸羽林為殿中將軍二年索虜寇青冀世祖遣軍援之係祖自占求行戰于杜梁挺身入陳所殺狼籍遂見殺詔書追贈潁川郡太守

孟次陽字崇基明帝時人太始初為山陰王休祐驃騎參軍薛安都子道標攻合肥次陽擊破之以功封攸縣子食邑三百戶

歷右軍驃騎將軍六年出為輔師將軍兗州刺史戍淮陰立北  
兗州自此始也進號冠軍將軍元徽四年卒

劉鄩五代梁時人也事青州王師範以攻張蟾有功表為登州  
刺史梁太祖西攻鳳翔師範乘梁虛因遣人分襲梁諸州縣是  
時梁以葛從周為兗州節度使從周將兵在外鄩乃使人負油  
鬻城中悉視城中虛實出入之所油者得羅城下水竇可入鄩  
乃以步兵五百從水竇入襲破之太祖已出昭宗于鳳翔引兵  
東還遣朱友寧攻師範從周攻鄩鄩乃悉簡婦人及老疾不足  
當敵者出之獨與少壯者堅守以待外援久之人心頗離副使  
王彥溫踰城而奔守陴者多逸鄩乃遣人陽語彥溫曰副使勿

多以人出非吾素遣者皆勿以行又下令城中曰吾遣從副使  
者得出否者皆族城中皆惑奔者乃止已而梁兵聞之果疑彥  
溫非實降者斬之城下由是城守益堅師範兵已屈從周以禍  
福諭鄴鄴報曰俟吾主降即以城還梁師範敗降梁鄴乃亦降  
從周送鄴歸梁梁太祖賜之以酒鄴辭以量小太祖曰取兗州  
量何大乎以為元從都押衙太祖即位累遷左龍武統軍以討  
劉知俊拜鄴節度使末帝即位為開封尹時楊師厚卒末帝恐  
魏兵亂遣鄴以兵屯于魏縣魏兵果亂劫賀德倫降晉莊宗入  
魏鄴以謂晉兵悉從莊宗赴魏而太原可襲乃結草為人執以  
旗幟以驢負之往來城上而潛軍出黃澤關襲太原晉兵望梁

壘旗幟往來不知其去也以故不追鄒至樂平遇雨不克進而旋急趨臨清爭魏積粟而周德威已先至鄒乃屯于莘縣築甬道及河以饋軍久之末帝以書責鄒鄒報曰晉兵甚銳未可擊宜待之末帝復遣問鄒必勝之策鄒曰臣無竒術請人給米十斛米盡則敵破矣末帝大怒乃遣使者監督其軍數促鄒使出戰遂大敗明年河朔皆入于晉降鄒亳州團練使後朱友謙叛陷同州末帝以鄒為河東道招討使行次陝州鄒為書以招友謙友謙不報留月餘待之尹皓段凝等素惡鄒乃譖之以為鄒與友謙親家故逗留以養賊已而鄒兵數敗乃罷鄒歸洛陽醜殺之年六十四贈中書令子遂凝遂雍並見別傳


鄭衍德元時人漢司農玄之後少有膽畧金末據有東土元兵既下山東遂率衆歸附乃拜為都元帥加光祿大夫金滅命衍德與諸鎮分畧淮楚間十五年餘以老謝事平生不嗜殺戮後嗣蕃庶

張智榮字德明元時人强悍鷙猛慷慨尚節至元初為鎮撫從趙良弼使日本諸國有功又從攻潭州先登收復攸縣擊破孫家砦進攻龍塘砦擒其主陳仔從太傅王龍討叛臣乃顏東方悉平累遷武德將軍僉軍都指揮使司事

論曰老子有言佳兵不祥其事好還觀諸孟劉鄒折衝威敵功非不偉也而鮮克令終衍德蓋尋常耳以不嗜殺故蕃其後嗣

豈不信哉乃知鷹揚之烈固非徒然者矣





安邱縣志卷之二十二

高士傳第六

昔人稱獨往之士朋松友石非其好也蓋有不得已焉然余觀古之賢人隱士若唐之巢由夏之隨光當時人君並致天下非無見信之主時來之運彼乃恥而逝之寧死不受何也豈其不得已者邪何必由光覩邑人可知焉邑人有蓋公者漢高祖時人也明老子師事樂臣公漢之起齊人爭往于世主唯公獨遁居不仕及漢定天下曹參為齊丞相盡延問長老諸生以百數何以治齊人人各殊參不知所從聞蓋公善治黃老乃使人厚幣聘之公為言治道貴清靜而民自定遂推此類為參具言之

參說乃避正堂舍之師事之齊果大治及參入相漢道蓋公之  
道故天下歌之蓋公雖為參師然未嘗仕以壽終按漢書公膠  
西人高帝六  
年以膠西等郡封子肥為齊王此時邑屬膠西故以公後二百  
為膠西人猶今稱邑人多曰青州是也史中此類甚多  
餘年而有郎宗宗字仲綏後漢安帝時人學京氏易善風角星  
筭六日七分能望氣占候吉凶常賣卜自奉安帝徵之對策為  
諸儒表後拜吳令時卒有暴風宗占知京師當有大火記識時  
日遣人參候果如其言諸公聞而表上以博士徵之宗恥以占  
驗見知聞徵書到夜懸印綬于縣庭而遁去遂終身不仕又後  
四百餘年而有管寧寧字幼安三國魏初人齊相管仲之後也  
漢末天下大亂乃與其友邴原涉海依遼東太守公孫度度虛

館禮之

寧在遼東所居屯落無井汲者男女雜錯或相爭鬪寧乃多買器分置井傍來者得而怪之知寧所為乃各相

責不復爭鄰有牛暴寧田者寧牽牛著涼處自為飲食過於牛主牛主大慚若犯嚴刑

其後中國少安人

多南歸唯寧不還黃初中華歆薦寧寧知公孫淵必亂乃因徵

辭還以為太中大夫固辭不就寧凡徵命十至輿服四賜常坐

一木榻上積五十五年未嘗箕踞榻上當膝處皆穿常著布裙

貉裘唯祠先人乃著舊布單衣加首絮巾遼東郡國圖形于府

殿號為賢者年八十四而卒卒後千餘年而得今李公李公名

遷梧字茂實為人磊落剛方不與世俗伍嘉靖中以進士為吳

江令有善政百姓為立碑頌德

碑稱公嘗縱囚如期而歸歲後力請蠲賦至忤督賦曹郎竟為

小民造數萬之命又邑堂災公仰而籲後為大同守頗簡于上天頃之有神人緋衣者止于庭火遂息

官上官劾之法當調公笑曰吾可以微罪去矣遂拂衣而歸性好酒人有勸之仕者不應輒飲之酒酒酣箕倨長嘯傍若無人家居數十年縣官多不識其面者卒年五十餘至今子孫時或不能具饗殮由此觀之得已邪不得已邪乃世之譏刺者以為今之隱士非重其道而不屑也非潔其身而不亂也皆內審其才終不足以當于世故托而逃焉以善全其名嗚呼此孰禁而為之哉蓋公當漢之初參也師之一試而齊劾再試而天下劾豈其才不足邪仲綏如不恥以占驗見知者降其道以輔人主何知不蓋公也况幼安之耽懷道德者哉茂實即善全其名然甘心蓬華取逸丘樊傲然囂氛之外視世之卑疵而前楫趨而

言嗜利而無厭者亦既遠矣詩曰采葑采菲勿以下體語曰希  
驥之足亦驥之乘故貌夷齊而不類猶賢于貌蹠者也古今人  
豈若是遠哉古人傳其所長逸其所短今人窺其所短病其所  
長其貴耳賤目久矣是故吾不敢躋今人而并于蓋公郎管之  
列然而進蓋公郎管于巢由隨光之流不庶幾哉



信

身日真

安邱縣志卷之二十三

篤行傳第七

自世道交喪厚德湮息而僂佻者始乘人而鬪捷彼且狙喜彼且媮快烏知夫忸怩也若欲琢雕為樸反澆為淳非夫耿介苦心之人激烈純懿之士亦何能致是者乎

淳于恭字孟孫後漢章帝時人善說老子清靜不慕榮名家有山田果樹人或侵盜輒助為收採又見偷刈禾者恭念其愧因伏草中盜去乃起里落化之王莽末歲饑兵起恭尤崇將為盜所烹恭請代得與俱免後崇卒恭養孤幼教誨學問有不如法輒反用杖自箠以感悟之兒慙而改過初遭賊寇百姓莫事農

桑恭常獨力田耕鄉人止之曰時方淆亂生死未分何空自苦  
為恭曰縱我不得它人何傷墾耨不輟後州郡連召不應遂幽  
居養志潛于山澤舉動周旋必由禮度建武中郡舉孝廉司空  
辟皆不應客隱瑯琊黔陬山遂數十年建初元年肅宗下詔美  
恭素行告郡賜帛二十匹遣詣公車除為議郎引見極日訪以  
政事遷侍中騎都尉禮待甚優其所薦名賢無不徵用進對陳  
政皆本道德帝與之言未嘗不稱善五年病篤使者數存問卒  
于官詔書褒歎賜穀千斛刻石表閭

孫嵩字賓碩桓帝時人家素貧時常侍左悺唐衡等權侂人主  
衡弟珣為京兆虎牙都尉初之官不修敬于京兆尹郡功曹趙

息呵抑之衡知之甚志欲滅諸趙時息從父岐為皮氏長聞有  
家禍因從官舍逃走之河間變姓字又傳詣北海著絮巾布袴  
常于市中販胡餅賓碩時年二十餘遊市見岐察非常人因問  
曰視處士殆非賣餅者乃開車後戶令所將兩騎下馬扶上之  
時岐以為唐氏耳目甚怖失色賓碩開車後戶下前檐謂之曰  
視處士狀貌既非販餅者又相問而動不有重怨即亡命乎我  
北海孫賓碩闔門百口勢能相濟終不相負必語我以實岐乃  
具告之遂以俱歸嵩先入白母言今日出得死友當來入拜乃  
出延岐入推牛鍾酒快相娛樂因載著別田舍藏置複壁中數  
歲岐作凡屯歌三十三章後唐衡及弟皆死岐乃得出還本郡

仕至郡守刺史太僕而賓碩亦從此顯名于東國仕至豫州刺史初平末賓碩以東方飢荒南客荊州至興平中趙岐以太僕持節使安尉天下南詣荊州乃復與賓碩相遇相對流涕岐為劉表陳其本末由是益禮賓碩頃之賓碩病亡岐在南為行喪也

李性字惟善 國朝正德時人幼有聲諸生中年十七嘗讓廩于周生某督學使者王公深歎賞之後起家歲貢至成均綿州人士有窘急者即以數十金與之為平涼知縣有惠政以緩徵改岳州教授諸生貧者取公如寄又遴其秀而文者給其日用費使卒業後多成立有仕至都御史者公居家恂恂謹厚口不



挂人臧否歲凶則出餘粟以賑鄉里人至今稱之

辛樂字宗韶嘉靖初人勤學謹行以周易教授門徒俊髦多出其門領乙酉鄉薦起家洛陽訓導束贄不行常以所入俸佐諸生急陞開封府教授擢榆次令政多惠愛嘗築堡砦五十餘區以避虜患未幾卒于官公生平質直不為邊幅緣飾人號為古君子

曹一麟字伯禎嘉靖中人由進士授吳江知縣以代督宅縣逋賦稍急忤權貴罷歸性嚴毅不苟舉動必循禮度父汝勤家政頗肅公事之曲盡其孝兄弟俱先歿公撫育諸姪一如己子諸親媼貧者生有粟帛死有槨賙晚益恂恂謹厚鄉人重之



論曰昔人稱好行其德若孟孫者可謂近之矣惟善等雖未可  
同年而語然惻惻款款庶幾嗣儷其休哉近世君子乃以機械  
為長策以骯髒為通方其眎若輩若朽蠶然不以為愚則以為  
迂矣可慨也夫

安邱縣志卷之二十四

孝義傳第八

士有百行兼之者罕而一節自好者君子猶有取焉况孝義乎  
令狐德芬有言塞天地而橫四海者孝也奉大功而立顯名者  
義也於乎孝義亦大矣得其一袂亦足為世勸何必深求故雖  
過而錄之不為濫焉

母丘長後漢桓帝時人與母俱行市道遇醉客辱其母長殺之  
而亡安丘追蹤于膠東得之時吳祐為膠東相呼長謂曰子母  
見辱人情所恥然孝子忿必慮難動不累親今若背親逞怒白  
日殺人赦若非義刑若不忍將如之何長以械自繫曰國家制

法囚身犯之明府雖加哀矜恩無所施祐問有妻子乎對曰有妻未有子也即移安丘逮長妻妻到解其桎梏使同宿獄中妻遂懷孕至冬盡行刑長泣謂母曰負母應死當何以報吳君乎乃齧指而吞之含血言曰妻若生子名之吳生言我臨死吞指為誓屬兒以報吳君因投繯而死

孟昶字彥達六朝宋時人少矜嚴有志局桓玄篡位時桓弘鎮廣陵昶為弘主簿劉裕起兵京口討玄謂昶曰草間當有英雄起卿頗聞乎昶曰今日英雄有誰正當是卿耳于是裕及昶等合謀起兵欲殺弘據廣陵昶因勸弘出獵與劉毅率壯士數十人直入斬之因收衆濟江推裕為盟主景為長史守京口及玄

敗景為丹陽尹裕北伐盧循乘虛破江豫二鎮昶懼寇漸逼欲  
擁帝過江裕不聽昶恐其不濟乃為表曰臣贊北伐之計致使  
疆賊乘間社稷危逼臣之幸也謹引分以謝天下乃仰藥而死  
劉遂清五代唐時人性至孝居父喪哀毀鄉里稱之嘗為淄州  
刺史迎其母母及郊遂清為母執轡行數十里州人咸以為榮  
遂清歷易棣等五州刺史皆有善政嘗代遂雍為西京副留守  
晉開運中為安州防禦使以卒

母邛宋神宗時人父卒葬邑西郊擔土成墳朝夕哭奠風雨不  
輟母卒亦如之邑令馬驥以事聞進士周元賓銘其墓碑刻尚  
存

傳  
卷之二十四  
陳玠 國朝人弘治中為邑諸生母卒廬于墓側朝夕哭踊不  
衰羣鴉亦隨之哀鳴毒蛇逸塚履不傷人父卒亦如之時大雨  
雹鄰田盡傷獨不入其墓側人以為孝感所致

王滕正德時人幼警敏性至孝時流賊陷城母李病欲滕扶母  
避小巷賊入欲刃之滕以身蔽母泣告曰母老且病願以身代  
賊怒殺滕置母而去時年十五

張鵬正德時人僉事鸞之兄也時流賊猖獗鵬為陰陽訓術縣  
官委之守陴賊入被害 詔給其子冠帶

李子英嘉靖時人父蚤亡母楊氏勵志守節及卒英廬墓哀毀  
成疾亦卒人多憐之



李朝用嘉靖時人生兩月而孤及長事母甚孝母卒即于墓前  
寢苫露宿里人何應春憐之為起草廬一楹朝用朝夕哭奠負  
土成墳遠近觀者如堵踰年哀思成疾而卒其妻米氏率子廬  
墓以成夫志

論曰孟昶仗義討玄雖滅其私恩不為過也既乃恚而引分惜  
哉其疎也餘俱硜硜有足多者毋丘長等或因親逞怒或居瘠  
致滅雖非先王之典亦觀過而知仁矣



傳

卷之二十四

安邱縣志卷之二十五

僑寓傳第九

夫男子生而懸弧四方其所有事也故人非匏瓜焉能跼蹐牖下乃若雪泥鴻跡暫寄一時而豔羨指顧侈于千載非君子之至于斯也孰能若是者乎故次之傳而經行倏忽者不載焉

晏嬰字仲謚平萊之夷維人今邑有晏公堂相傳為嬰休沐之所于傳無所考稽按晏子春秋載晏子臣于莊公公不悅嬰請去遂趨而歸東畊于海濱豈其此時與今其食邑與墓俱在高密為縣東隣傳疑焉可也

公冶長字子長家語云魯人史記云齊人未知孰是而今縣南

七十里。有書院存焉。張華博物志云：公冶長墓在城陽姑幕城東南五里去。今書院山頗近正齊魯接壤之處，則謂其遊寓于此，或不虛矣。

趙岐字邠卿，後漢長陵人。少明經，有才藝，娶扶風馬融女。融外戚豪家，岐常鄙之，不與融相見。仕州郡，以廉直疾惡見憚。後為皮氏長，會河東太守劉祐去郡，而中常侍左悺尤勝代之。岐恥疾宦官，即日西歸京兆。君延篤復以為功曹。先是中常侍唐衡尤珰為京兆虎牙都尉，郡人以珰進，不由德，皆輕侮之。岐及從兄襲又數為貶議，珰深毒恨。延熹元年，珰為京兆尹，岐懼禍，及乃與從子戢逃避之。珰果收岐家屬宗親，陷以重法，盡殺之。

岐遂逃難四方江淮海岱靡所不歷自匿姓名賣餅北海市中  
時孫嵩遊市見岐察非常人停車呼與共載藏岐複壁中數年  
岐作凡屯歌三十三章後諸唐死滅因赦乃出岐多所述作者  
孟子章句三輔決錄傳于時

華歆字子魚魏平原人與管寧邴原相友善時人號三人為一  
龍歆為龍頭原為龍腹寧為龍尾嘗訪寧于朱虛共與鋤菜見  
地有金寧揮鋤不顧如瓦礫歆捉而擲之又嘗同席讀書有乘  
軒過門者寧讀如故歆棄書往觀寧遂割席分坐曰子非吾友  
也人因辨其優劣後為魏司徒舉管寧及拜太尉稱病乞退讓  
位于寧帝不許太和五年薨謚曰敬侯

論曰人生如寄耳若公冶等所謂寄寄者非邪然猶能使人豔  
羨若斯則以其人重也况生于其地者哉故曰人貌榮名豈有  
既乎於乎彼寓形斯土者勿為逆旅主人所蔑焉則善矣



安邱縣志卷之二十六

列女傳第十

古之閨相出入有環珮之節居處有鞶帨之飾燕閒有箴管之戒坐作有組紉之紅故能內則克修而女德茂也後世姆訓不立陰教多闕非夫性天篤至秉彝夙畀則戔戔分義孰與維乎我邑風俗篤厚無論丈夫能也即女子蓋亦有足多焉大抵不幸而失所天者有子則挺節以守無子則捐脰以殉雖蓬華山區之中窮巷賤隸之婦莫不相習以為固然而不知非它縣所恒有也於乎盛哉非內懷鐵石之深衷外厲松筠之雅操疇克若是者乎余少失怙母門氏拮据萬狀孀居二十餘年僅延一



綫之脈余于是知節之難也是以罔羅舊聞叅以衆口作列女傳不敢畧且不敢誣也若吾母氏之賢則以俟後人

晉孟昶妻周氏昶弟顓妻又其從妹也二家並豐財產初桓玄常推重昶而劉邁毀之昶知深自惋失及劉裕將建義與昶定謀昶欲盡散財物以供軍糧其妻非常婦人可語以大事乃謂之曰劉邁毀我于桓公便是一生淪陷決當作賊卿幸可早爾離絕脫得富貴相迎不晚也周氏曰君父母在堂欲建非常之謀豈婦人所諫事之不成當于奚官中奉養大家義無題志也昶愴然久之而起周氏追昶坐云觀君舉厝非謀及婦人者不過欲得財物耳時其所生女在抱推而示之曰此而可賣亦當

不惜况資財乎遂傾資產以給之而託以他用及事之將舉周氏謂顛妻云一作夢殊不好門內宜浣濯沐浴以除之且不宜赤色我當悉取作七日藏厭顛妻信之所有絳色者悉斂以付焉乃至帳中潛自剔綿以絳與袒遂得數十人被服赫然悉孟氏所出家人不之知也

宋母邛妻馬氏邛父母死負土築墓馬與之俱從泣三年不衰香火于臂元豐間進士周元賓銘其墓

元朱原方妻相氏年二十三至正丁酉原方從軍千乘病卒柩還氏迎柩哀號頓絕方蘇乃給謂司葬者曰吾夫所積書籍甚多當寬鑿其墳俱瘞以從所嗜氏是夕自縊遂同葬焉有司以

聞詔旌其門

國朝劉真兒妻甯氏年十六許聘真兒未歸真兒卒謂父母曰  
烈女不更二夫今不幸夫死命實為之豈忍棄背願奔喪至則  
撫棺痛哭幾絕堅守不渝孝養舅姑歷五十餘年而卒洪武年  
旌

王氏九粟者奉之女也年方及笄正德六年正月初十日流賊  
劫城九粟與鄰人韓鸞女詐為男子服翼脫為黠賊所識欲污  
之九粟不從大呼曰狗賊吾豈為爾辱邪賊怒刺劍于胸猶罵  
不絕口碎首而死

高菁女年十七家在景芝正德七年冬十一月十三日流賊復

起劫鄉村女避古墓中為賊所得復投井中不死賊縋出欲污  
之女罵不從賊以刃迫之頸且血猶嗚嗚罵強賊強賊云遂磔  
而死

石氏不知誰氏妻正德中遇流賊不屈而死

游豹妻李氏父自然少許聘豹豹高密人病亟欲迎女母難之  
女請行曰我生死則游氏婦也即未入若門而若死吾豈更醮  
哉父母諭百端不聽既至一月而豹卒女斷髮絕粒自縊而死  
時嘉靖十二年七月七日也後二年旌

李瑜妻張氏瑜死子祿方四歲張年二十有四誓不改嫁卒年

八十二

傳  
李子英母楊氏輝之妻也輝卒楊年十九子甫兩月父母欲嫁之楊不從因而不歸寧者數載後卒子廬墓以死人稱節孝云  
韓梅妻趙氏梅死于正德六年趙時二十有三男守禮未及二週苦節自礪年踰七十而卒

馬賢妻王氏賢邑廩生正德中為流賊所害遺子陳圖甫三歲無所依托族人有欲奪其志者王矢死守之家素貧其子嘗游某媼家持米數升歸養王叱之曰咄咄兒欲食人之所棄者耶勒令還之後子為諸生封承德郎王享年八十有六無疾而卒時丁潯暑越四日斂而蠅蚋無敢近者人詫其異焉

王善妻高氏善正德十二年病死高年二十有八二子俱幼人



勸改適屹不為動後子學詩為諸生有重名為教諭云

仇仁妻劉氏仁死劉年方十九子一亨未週歲矢志守節四十餘年卒後一亨為邑諸生

李玉妻劉氏嘉靖八年玉病死劉年二十有七子國用甫三歲守志不嫁三十餘年卒

都一貫妻王氏一貫故諸生娶數年忽病瘵王侍湯藥甚謹疾革謂王曰吾即死汝何依汝年尚少可自圖之王仰天慟哭誓以死殉一貫卒其夕自縊時年二十四嘉靖三十一年二月十二日也後七年旌

張禎妻謝氏禎死謝年二十有二子思孝在抱謝守志不玷八



十五乃卒

趙東周妻張氏東周故書生歸無何趙生生坐羸疾困且殆日夜不解髻奉湯藥趙死張數縊為衆解救不死乃謬謂守者姨輩曰吾寧不愛雀鼠之息為姨輩憂踰三月而守者遂死乃夜起更衣縊棺側而死其從容就義如此時年二十四嘉靖三十六年八月二十也後二年旌

樂九霄妻韓氏九霄早卒韓年二十有三子鳴崗纔再週寄食于外家嘉靖六七年間歲稔韓間日一食竟能撫孤成立守節四十餘年而卒鳴崗後為訓導

劉元弼妻楊氏嘉靖十年元弼病瘵卒楊年二十有七子東涯

八歲西涯在抱守節自誓家貧唯傭女紅以自給教訓二子俱為諸生年七十餘卒

辛子盈妻李氏有賢操子盈故諸生有羸疾及革呼李謂之曰非若慇懃吾何延至今日吾死幸擇賢者醮之李大慟曰君在與在君亡與亡無貳心也及卒李即自縊家衆解救不死尤曉跪諭百端終不聽後竟瞰隙縊死柩側年二十有二嘉靖三十八年五月十八日也

李朝用母王氏逵之妻也逵卒朝用甫兩月時王年十八守志甚篤嘉靖三十九年卒朝用廬墓哭泣而死匾其門曰節孝王桂妻張氏桂因秋闈下第發憤成疾而卒張以首搶地欲死

血被面移時而蘇自縊數次不得透吞鼠藥而死母以水沃之  
復活強之食不聽第曰能令若起即食矣越九日夜縊而死時  
年二十嘉靖四十二年四月六日也

趙雄妻李氏雄正德十年病死李年二十有一子承恩生九月  
矢志以守族豪百計凌奪不易也後承恩早歿李又撫其孫纒  
成立而長孫應元又卒其婦李年僅二十即自縊以殉人號為  
雙節隆慶五年六月初十日也李年九十有四有司歲時存問  
孫克忠妻林氏克忠死于嘉靖十七年林年十七遺腹生男光  
前苦志守節年今六十有八有司以時存問  
馬大壯妻李氏知府遷梧女也大壯病亟李誓與同死及卒水

漿不入口者五日乘間自縊者三俱為張媪等所覺解救不死  
一日獨奠于柩前遂縊死年才十七隆慶二年八月初五日也  
萬曆年旌

黃守紀妻高氏守紀胎痿不能動履高朝夕代盥櫛飲食歷九  
載無倦怠守紀卒高絕粒延十四日乃死隆慶三年正月二日  
也萬曆年旌

田登妻李氏登書生病瘵日久謂李曰吾死柰爾芳年何李曰  
妾無他腸有死而已于是遂不食隆慶六年十二月四日登死  
其日李亦餓死蓋先登半日云年僅二十

李日華妻劉氏日華故書生以羸疾卒越數日劉死萬曆年亦



旌

李學顏妻侯氏學顏家窶忽暴病卒即日窆之侯時年十九跪墓前三日哭不休必欲死于墓所過者無不掩涕母傅氏強身至家同起卧以防之侯侯母倦甚少寐即潛起牀上縊于疏櫺而死萬曆四年九月二十二日也巳旌

周燁妻姚氏濰縣都給事中德重女也適周生數載而生病死姚即出橐中奩焚之誓必死屢縊不得乃索食以誑守者守者信之無何乘隙扃戶自縊而死時年二十有二萬曆十五年九月五日也

王樽妻黃氏樽諸生未娶時已病手癱及合卺即伏枕黃調護

二年不怠及卒瓜面燬衣欲殉姑遣其祖母與同起卧勿令自  
裁黃俟祖母假寐即啟扉縊于後園桑下而死時年二十有一  
萬曆十七年三月六日也

論曰世之平居決忠義取舍者恒在於須眉丈夫彼閨處而禱  
趨者何有焉乃今觀邑中諸姬又何卓犖竒絕也或心踰匪石  
或行若皦日有執圭曳組之士所不能及者何卓犖竒絕也於  
乎彼鼠竄而螭生者視此有厚媿矣



傳

大自通元入

安邱縣志卷之二十七

雜見傳第十一

士之獨詣成名者既彙次之矣若宅不名一行而姓字附着諸簡者析之難以類收棄之又所不忍余有雞肋之惜焉故總其凡而目曰雜見云

管少卿漢初人齊相管仲之後為燕令始家朱虛世有名節九世而生寧

甄普後漢明帝時人世以儒傳家累世不絕父字子承並在儒林傳

牟麟章帝時人以父融故建初中除為郎

淳于崇章帝時人恭之兄也將為盜所烹恭請代得免

淳于孝和帝時人以父恭故除為太子舍人

管貢魏人為青州吏寧族也與寧鄰比而居

邴春魏人根矩之後也少立志操寒苦自居負笈遊學身不停

家鄉邑翕然以為能係其先也王褒以為春性險狹慕名意多

終必不成及後春果無學業流離遠外

徐華魏人有至行嘗宿亭舍夜有神人告之亭欲崩遽出得免

子邵

邵為魏尚書郎以廉直見稱子苗賈苗見儒林

賈晉初人嘗與兄俱就濟南博士宋鈞受業

孟珩晉初人為河南尹子淵

淵為晉光祿大夫

孟馥晉末人為中護軍子昶昶見孝義傳

顛字彥重六朝宋人兄弟並美風姿時人謂之雙珠昶貴盛顛  
不就徵辟昶死後起家累為會稽太守顛事弗精懇而為謝靈  
運所輕嘗謂顛曰得道應須慧業丈人生天當在靈運前成佛  
必在靈運後顛深恨此言又與王弘之諸人出千秋亭飲酒裸  
身大呼顛深不堪會稽東郭有回踵湖靈運求決以為田文帝  
令州郡履行此湖去郭近水物所出百姓惜之顛堅執不與靈  
運既不得回踵又求始寧休壘湖為田顛又固執靈運謂顛非

存利人政慮決湖多害生命言論傷之與顛遂隙因靈運橫恣  
表其異志靈運馳詣闕上表自陳本末文帝乃釋後卒于會稽  
贈左光祿大夫子邵

邵祖父並顯已又尚太祖第十六女南郡公主女弟適彭城王  
義康巴陵袁王休若一門貴盛前後莫比

伏胤之宋高祖時人曼容父也為司空主簿

孟綽宋高祖時人淵子也義旗後為給事中光祿勳追贈金紫  
光祿大夫子懷玉龍符仙客懷玉龍符並見武胄

仙客嘗出繼別宗子微生彥祖

孟元高祖時人懷玉子也未嗣封卒弟慧熙



慧熙嗣懷玉為陽豐男坐廢祭祀奪爵

孟微生文帝時人龍符姪也龍符無子僂客以微生嗣為臨沅男元嘉中有罪奪爵徙廣州子係祖見武胄弟彥祖

彥祖亦文帝時人子佛護

佛護明帝時人微生奪爵佛護嗣為臨沅男齊受禪國除

劉琪五代唐時人郭之尤也子遂清在孝義傳

劉遂凝唐初人郭子也仕至刺史弟遂雍

遂雍明宗時人潞王從珂反于鳳翔時遂雍為西京副留守留守王思同帥諸鎮兵討鳳翔戰敗東歸遂雍閉門不納悉封府庫以待潞王潞王前至者悉以金帛給之潞王見遂雍握手流



涕由是事無大小皆與圖議廢帝入立拜遂雍淄川刺史

董儲宋神宗時人善屬文由郎中知眉州與蘇老泉友善東坡

知密州時過安邱嘗有詩遺其子希甫詩云白髮郎官舊使君至今人道最能文隻雞

敢忘喬公語下馬來尋董相墳冬月採薪那得免鄰人吹笛不堪聞死生契濶君休問洒淚西南向白雲

劉聚元時人為廣威將軍膠水令

鄭朝宗元時人漢司農康成之裔至元八年有司以禮徵典學教諭創起廟學實有力焉

論曰蒼蠅之蜚終朝不出礎樾附驥之尾則一日千里何則所托然也齊魯二大臣史逸其名少卿等碌碌亡甚竒節特以依托故名垂後禩所謂人生固有幸不幸如此哉

安邱縣志卷之二十八

佻德傳第十二

夫嘉禾蔽畝不亡稂稗碧落昭回亦有飛字邑中固多砥行立名之士而狂悖凶殘間亦有之志美不志惡何以示懲今擇其尤亡良者為佻德傳匪唯紀實蓋亦有禱祀之意乎

夏長思後漢光武時人為邑大姓糾衆謀反遂囚北海太守處興而據營陵城時李章為瑯琊太守聞變發兵擊之募勇敢燒城門與長思戰斬之獲三百餘級得牛馬五百餘頭而還孫禮順帝時人積惡凶暴好為游俠與其里人常慕郎顛名德欲與親善顛不顧以此結怨遂殺顛

伏知命梁武帝時人挺之子也先隨父事邵陵王掌書記亂中  
王子郢州奔敗知命乃下投侯景常以其父宦途不進深怨朝  
廷遂盡心事景景襲郢州圍巴陵軍中書檄皆其文也言及西  
臺莫不劇筆及景篡位為中書舍人專任權寵勢傾內外景敗  
被執送江陵獄中幽死

趙琬 國朝永樂時人與郝簡同習白蓮之術煽動遠近與蒲  
臺妖賊唐賽兒等謀作亂率數千人攻城不克尋擒獲語在張  
奩傳

周訥 正德時人流賊攻城不克訥夜縋而出與語為內應至期  
果從城上垂纆引之賊入殺人如麻廬舍燒燬幾盡皆訥所致

也賊亦惡之尋見殺

論曰長思等以鼠狗之輩憫然奮起為狙鬼盜優曾不踰時身首異處宜哉知命綽有文彩乃黨叛逆自致幽死禍福亡門惟人所招非虛語也嗚呼鑒哉







十二

三

十二

別下

脫有字

十一

五

一

部

部

十

五

三

捐

軍

十五

二五

六

名

損

十五

二五

十六

議論

目

十八

五

十二

邊字下

脫鎖字

十九

十六

十一

疑

論議

二十一

二二

十九

萬

疑

二十四

二八

七

母

萬

二十四

三十一

十一

問字下

脫長字

二四

三一

九

身

身

二五

三四

九

辨

辨

二六

三五

六

爾

爾

二六

三六

二

作

昨

二六

三六

六

衆

衆

二六

三六

六

誤作良有

二六

三六

六

誤作良有

二六

三六

六

誤作良有

二六

三六

六

誤作良有

二六

三六

六

誤作良有

序

十八行

有良

誤作良有

誤作良有

第一頁

